

**FEDERALNO MINISTARSTVO RADA I SOCIJALNE POLITIKE
EKONOMSKO- SOCIJALNO VIJEĆE ZA TERITORIJU FEDERACIJE
BOSNE I HERCEGOVINE**

Broj: 03-34/19-
Sarajevo, 27.07.2010. godine

Z A P I S N I K

sa 72. sjednice Ekonomsko-socijalnog vijeća za teritoriju Federacije Bosne i Hercegovine, održane dana 27.07.2010.godine u 16,00 sati.

Sjednicom predsjedava gospodin Edhem Biber, predsjedavajući Ekonomsko-socijalnog vijeća.

Sjednici prisustvovali:

Mustafa Mujezinović, Premijer Vlade FBiH

Dr. Perica Jelečević, federalni ministar rada i socijalne politike, Ismet Bajramović, predsjednik Saveza samostalnih sindikata BiH, Rifat Mahmutović, predsjednik Sindikata komunalne privrede, Salih Kruščica, predsjednik Samostalnih sindikata državnih službenika i namještenika u organima državne službe, sudskoj vlasti i javnim ustanovama u FBiH, Omer Sikira, predsjednik Samostalnog sindikata elektroenergetskih radnika BiH, Salem Hujić, predsjednik Samostalnog sindikata radnika šumarstva, prerade drveta i papira BiH, Mladen Pandurević i Selim Babić ispred Udruženja poslodavaca Federacije BiH.

Sjednici nisu prisustvovali:

Vjekoslav Bevanda, federalni ministar financija, Vahid Hećo, federalni ministar energije, rudarstva i industrije, Desnica Radivojević, federalni ministar trgovine, Nail Šećkanović, federalni ministar prometa i komunikacija, Predrag Čović, Eldin Brčaninović i Edin Ibrahimpašić ispred Udruženja poslodavaca Federacije BiH. Umjesto ministra Vahida Heće bio je prisutan zamjenik Stipo Buljan, a umjesto ministra Naila Šećkanovića prisutan je bio Esad Osmanbegović.

Osim članova Ekonomsko-socijalnog vijeća sjednici su prisustvovali:

Alija Remzo Bakšić, Direktor asocijacije poslodavaca BiH, Hrustem Mališević, Predsjednik komisije za Zakon o radu ispred Sindikata, Džana Kadribegović, pomoćnik ministra za rad i socijalni politiku i Ernevaza Hrustanović ispred stručne službe ESV-a.

DNEVNI RED

1. Usvajanje zapisnika se prethodne sjednice ESV-a;
2. Prednacrt zakona o radu;
3. Nacrt zakon o sigurnosti i zdravlju na radu na radu;
4. Nacrt zakona o izmjenama i dopunama zakona o posredovanju u zapošljavanju i socijalnoj sigurnosti nezaposlenih osoba;
5. Razno.

Na prijedlog delegata Vlade dnevni red je dopunjen sa sljedećim tačkama:

6. Prijedlog zakona o izmjenama Zakona o državnoj službi u Federaciji BiH
7. Prijedlog zakona o dopunama Zakona o organizaciji organa uprave u FBiH
8. Prijedlog zakona o dopunama Zakona o inspekcijama u FBiH
9. Prijedlog zakona o dopunama Zakona o Agenciji za privatizaciju u FBiH
10. Prijedlog zakona o izmjenama Zakona o finansijskoj/financijskoj politici

Prije početka sjednice socijalnim partnerima je podjeljen dodatni materijal – Komentar na Nacrt Zakona o sigurnosti i zdravlju na radu od Udruženja poslodavaca komunalne privrede u Federaciji BiH i Primjedbe na Prijedlog Zakona o izmjenama i dopunama zakona o posredovanju u zapošljavanju i socijalnoj sigurnosti nezaposlenih osoba od Saveza samostalnih sindikata BiH.

Ad.1.

Zapisnik sa 71. sjednice usvojen uz napomenu da gđin. Stipe Buljan ispred federalnog ministarstva rada i socijalne politike informiše socijalne partnere da li su njihove primjedbe ugrađene u Prijedlog Zakona o reviziji privatizacije državnog kapitala u privrednim društvima i bankama.

Ad.2.

Predstavnici Sindikata i Poslodavaca formirali su radnu grupu koja radi na usaglašavanju stavova Prednacrta Zakona o radu. Do sada su uspjeli usaglasiti veći dio primjedbi.

Poslodavci su spremni da razgovaraju o povećanju najniže plaće ukoliko će ona biti osnovica za utvrđivanje ostalih plaća i pod uslovom da se povuku neke od relevantnih primjedbi Sindikata.

Poslodavci također ukazuju na to da bi pojedine promjene u Zakonu o radu predstavljale dodatna opterećenja za poslodavce i sugerišu da se takve promjenama ne stvaraju.

Gđin Pandurević – Delegacija Sindikata je odustala od člana 40. stav 3 i člana 71. stav 1 Zakona o radu.

Predstavnici Sindikata imaju primjedbu na odredbu člana 177. Ovaj član je dodat u Prednacrt Zakona u radu, što oni smatraju nepotrebnim i predlažu da se član briše. Pošto poslodavci imaju mišljenje da član 177. treba da se preformuliše, zatražili su od predlagača ponovno razmatranje i odgovor.

Sindikati uz to predlažu da pitanje pauze bude regulisano Općim kolektivnim ugovorom, odnosno Granskim kolektivnim ugovorom, smatrajući da ukoliko radnici nisu u mogućnosti koristiti pauzu, ona treba da im bude plaćena.

Ove i druge primjedbe biće dostavljene predlagaču zakona na razmatranje.

Esad Osmanbegović iznio je gledište Ministarstva prometa i komunikacija da bi Vlada trebala da se očituje zašto nema konkursa u javnim preduzećima koja su u većinskom vlasništvu države.

Predstavnici Vlade saopštili su da je Zakon o radu opći propis, a kad su u pitanju posebne oblasti kao što su Javna preduzeća, onda bi to pitanje trebalo biti regulirano posebnim zakonom, kao što je to uradilo zdravstvo, obrazovanje i sl. jer za to ne postoje pravne prepreke.

Zaključak ESV-a je da Sindikati i Poslodavci predlažu da Ministarstvo rada i socijalne politike razmotri i ugradi usaglašene prijedloge Sindikata i Poslodavaca u tekst Prednacrtu Zakona o radu, a za prijedloge koje eventualno ocijeni neprihvatljivima dostavi odgovarajuća obrazloženja.

Ad.3.

Predstavnici Vlade informisali su da je Nacrt Zakona o sigurnosti i zdravlju na radu nakon razmatranja na sjednici Vlade FBiH od 12.11.2009. godine vraćen da se tekst uskladi sa primjedbama Federalnog ministarstva zdravstva. Na njihov prijedlog prihvaćeno je da i privatna praksa koja obavlja specifičnu zdravstvenu zaštitu – medicinu rada, može obavljati poslove kao ovlaštena zdravstvena ustanova, kako je definirano Zakonom, te da je poslodavac dužan da povrede radnika prijavljuje ne samo inspekciji rada nego i ovlaštenoj zdravstvenoj ustanovi ili privatnoj praksi koja za poslodavca obavlja zdravstvene usluge, te Zavodu zdravstvenog osiguranja i radniku koji je pretrpio povredu ili obolio od profesionalnog obolenja.

Pored toga, na prijedlog Federalne inspekcije rada povećane su prekršajne kazne i preciznije definirani prekršaji.

Pošto je zakon usklađen sa svim konvencijama i EU direktivama smatraju da ga treba što prije uputiti u proceduru donošenja.

Poslodavci također ističu da je ovo značajan zakon. Primjedba koju su iznijeli odnosi se na sam naziv zakona i smatraju da bi bilo adekvatnije da u nazivu umjesto riječi „zdravlje“ stoji „zaštita“.

Napomenuli su da je neke od odredaba zakona zbog trenutne ekonomske situacije nemoguće implementirati, prvenstveno zaposliti nove radnike i obezbijediti njihovu odgovarajuću kvalificiranost.

Predstavnici Sindikata saopštili su da su sve njihove ranije primjedbe usvojene i također smatraju da se zakon treba što prije usvojiti.

Predlažu da Ministarstvu rada i socijalne politike informiše ESV o konačnom tekstu Nacrta zakona koji će ići u dalju proceduru.

Zaključak ESV-a je da Ministarstvo rada i socijalne politike razmotri primjedbe, prihvatljivo ugradi u Nacrt Zakona o sigurnosti i zdravlju na radu i dostavi Vladi FBiH radi utvrđivanja Prijedloga Zakona i upućivanja u parlamentarnu proceduru.

Ad.4.

Zaključak ESV-a je da Ministarstvo rada i socijalne politike razmotri primjedbe na Nacrt zakona o izmjenama i dopunama zakona o posredovanju u zapošljavanju i socijalnoj sigurnosti nezaposlenih osoba i da o tome obavijesti socijalne partnere.

Ad.5.

Nije bilo prijedloga za raspravu pod ovom tačkom Dnevnog reda.

Ad.6, 7,8,9 i 10.

Socijalni partneri su suglasni da treba podržati izmjene ovih zakona, s tim da Sindikati pismeno dostave dodatne prijedloge.

Zaključak – ESV podržava Prijedloge zakona o izmjenama Zakona o državnoj službi u Federaciji BiH i Zakona o finansijskoj/financijskoj politici, te Prijedloge zakona o dopunama Zakona o organizaciji organa uprave u FBiH, Zakona o inspekcijama u FBiH i Zakona o Agenciji za privatizaciju u FBiH, pod uslovom da se Sindikati i Vlada usaglase oko navedenih zakona, odnosno člana 37b - Status namještenika koji uz rad steknu VII stepen stručne službe ili prvi ciklus studija Zakona o izmjenama i dopunama zakona održavnoj službi FBiH.

Sjednica Ekonomsko-socijalnog vijeća zaključena je u 17.45 sati.

Naredna sjednica ESV-a zakazana je za 24.08.2010. godine, sa početkom u 16,00 sati.

Predloženi dnevni red je:

1. Usvajanje zapisnika se prethodne sjednice ESV-a;
2. Izmjene i dopune Sporazuma o osnivanju ESV-a i Poslovnika o radu ESV-a;
3. Prijedlog zakona o ESV;
4. Rasprava o odluci FERK-a o visini cijena električne energije;
5. Razno.

Zapisnik vodila i obradila
Snježana Kapić

Predsjedavajući
Ekonomsko-socijalnog vijeća
Edhem Biber